

Gregorian pozdravio Rezoluciju o ispunjavanju obaveza entiteta



Supervizor za BrčkoRaffi Gregorian pozdravio je jednoglasno usvajanje rezolucije od strane Skupštine Brčko Distrikta kojom se apeluje na relevantne državne i entitetske institucije da sarađuju sa vlastima Brčko Distrikta BiH na rješavanju četiri pitanja koja je utvrdilo Vijeće za implementaciju mira.

U svom komunikeu od 30. juna 2009. godine Upravni odbor Vijeća za implementaciju mira pozvao je entitete i državu da najkasnije do 15. septembra 2009. godine riješe međusobna dugovanja, omoguće promjenu entitetskog državljanstva za stanovnike Brčkog, regulišu pitanja snabdijevanja Distrikta električnom energijom i udjela Brčkog u zlatu i drugim prihodima iz sredstava SFRJ.

Ova pitanja su obaveze koje proizilaze iz Konačne odluke i njenih Aneksa i predmet su neispunjenih sporazuma zaključenih sa entitetima 2000. i 2001. godine., a na koja su takođe imale uticaj i naknadne promjene u zakonodavstvu u određenim oblastima.

Supervizor je takođe pozdravio inicijativu gradonačelnika Brčko Distrikta da o ovim pitanjima razgovara sa Vladom RS 11. juna 2009. i sa Vladom Federacije 3. jula 2009.

Ispunjenjem obaveza entiteta bi se supervizoru omogućilo da konačno izvjesti Arbitražni tribunal o ispunjenju Konačne odluke na osnovu čega bi Vijeću za implementaciju mira bilo omogućeno da donese odluku o okončanju režima supervizije u Brčko Distriktu BiH na sjednici zakazanoj za novembar.